

۹ محرم ۱۳۳۱

پنجشنبه

۶ کانون اول ۱۳۲۸

نومرو ۱۲ — ۲۴

نسخه سی ۲۰ پاره در



امور اداره و تحریر و اعلانات و سائرہ ایچون مدیر
مسئولہ مراجعت ابدالمبدر .

ابونہ سی بر سنہ ک اعتباریلہ ممالک عثمانیہ ایچون
۱۴ و ممالک اجنبیہ ایچون ۲۰ قروشد .

صرفای امتک مقالات متصوفانہ لرینہ جریدہ
صوفیہ نک حیفہ لری آجبتدر .

شمذیلک اون بش کونده بر نشر اولنور

محل اداره باب عالی جوارنده ابوالسمود جاده سندہ
نجم استقبال مطبعہ سی

تصوفی ، دینی اخلاقی ، جریدہ اسلامیہ در

ابوبکرک خلافتاری ایما بیورمشدیار . روح رسول اللهک ملاء
اعلی به ارتقا ابتدیی کون که هجرت سیدمک اون برنجی سینه سی
ربیع الاولک اون انجی بارار ایرتسی کونیدر حضرت صدیق
خلافتله بیعت اولمشدر . او اون بیعت خاصه و ایرتسی صالی کونی
دفن رسول اللهدن سوکرا بیعت عامه اولمشدر .

حضرت صدیق رضی الله عنه دین و دولت محمدیه به بحقی
خلافت ایتمشدر . گندی وفاتلری و قوعنده دخی حضرت سیدالانام
عایه الصلاة والسلام افندمک فدم . مادتلری اوچنه دفن اولمش
کرک دعوت حقده و کرک خدمت و ملازمته و منصب امامت و خلا
فنده و اک سوکرا مدفن مقدسه . حضرت پیغمبر ایلله ثانی ابن
ونم الرفیق اولمشدر . اثنای هجرتده غار معروفده حضرت رسول
اکرمه اعدا جانبدن بر ضرر ایریشه بیامک خوفله حضرت صدیق
حزن اوزره اولوبده رسول مجتبا علیه اکمل التحیا افندم
حضرت تارندن (لاتحزن ان الله معنا) تسلیتینی آلدقندن سکره اقدم
تجسس و اقداملری غارک قیوسنه قدر قرب ایتمش اولان اعدانک
کور کورینه دونوب کینملریه متمجب اولدقده سید کائنات علیه
اذکی التحیات افندم حضرت تلری (فاطمک باشین الله ثانیها)
بیورمشدر که معنایی (ظنک نه : ر اول ایکی رفیق حقنده که
اوجنجلری الله اوله) دیمکر آیت کریمه مذکورهده حضرت
صدیقک صحبتی یعنی صاحب رسول الله اولدینی منصوصدر که بوده
اصحاب رسول الله ایچنده ذات حضرت صدیقندن غیری به میسر
اولمش بر میسدر . مفهوم آیت جلیلهده کی عتاب الهی بتون
اهل ایمانه شامل ایکن حضرت صدیق اندن مستثنی قالمشدر که
بوده باشقه بر میسدر . « لاتحزن ان الله معنا » قول کریمنده کی
معینه دخی دقت ایدلم شبهه یوق که او معیت حفظ و نصرت
و حراست و معونت و سورنیه اولان معیتدر . رسول اکرم
صلی الله تعالی علیه وسلم افندم حضرت تلری حضرت صدیق سن
غم چکه الله تعالی بزمه بر ابردر ، بیورملریله بو برابرلکه
حضرت مشارالیه کندی نفس هاپونلرینه تشریک
بیوردهرق ، حق جل و علا حفظ حراست و نصیرت و معونته بنم
وسنک ایلدر ، دیمک ایسته مشلردر دیمک که حضرت صدیق
بو شرفده دخی ثانی اثنین اولمشدر . نهی لر دوام ترکی موجب
اولقی قاعده سنجه « لاتحزن » کلمه سنده بر دقیقه ده اواردر که
حضرت ابوبکر اندن سکره نه قبل الموت و نوده بعدالموت حزن
چکمه مشلر دیمکدر . « لاخوف علیهم ولا هم یحزنون » تبشیر
جلیلهده بوده اولیاءالله خاص اولان بر جالتدر که بشقلمه میسر
اولمز . کامل مبر دده : « وکان هجره لاله الا الله » دیو مذکوردر
که حضرت صدیقک ورد زبانی کلمه توحید ایدی دیمکدر .

« روح الکائنات » علیه افضل الصلوة افندم حضرت تلری

ایله معراجده بلا واسطه اخذ و تلقی بیوردقاری ذکر خفی غار
معروفده رفیق شفیق اولان جناب صدیق عتیقه زانو نشین اولوب
چشمان حقایق بینای قبای اولدیمی حالده اوچ دفعه تلقین و تعلیم
بیورمشلردر . سلسله علیه نقش بندیه جناب صدیق اکبر رضی الله
عنه افندم حضرت ترینه و او واسطه ایله منبع فیضه اتصال ایلر .
حضرت صدیق او نه بیوک بر صادق رفیقدر نه احوالده
تفتیش و تخری ایله توحید و خلقی طریق مستقیمه ارشاد ایتمک
مسئلکنی اختیار ایلدیکندن محنته هدف و بلایه معروض اولمش و
کندوسنه قارشی چیقان هر ایشده زهد و خلقک التفاتندن حق
میل ایله نقره ایدرک مقام جمع و فرق آرملری جمع ایتمشدر .
دنیا مشدر که تصوف ، یولار تحالف و کسب مشکلات ابتدیی
زمانده حقایقه شدله تمسک ایتمکدر وینه دنیلمشدر که تصوف ،
اهوال قاهره و احوال طاهره و حقایق ظاهره دن عبارتدر .

حضرت صدیق رضی الله عنه جبریل علیه السلامی کورمدیکی
حالده حضرت رسول الله صلی الله علیه وسلم افندمزه واقع اولان
منساجانک استماعی و حضرت جبریل واسطه سیه جناب حقک
کدیسنه ارسال سلامی و لسان جناب جبریل امین ایله جناب
رب العزتک مشارالیه « هل انت راض عن یففرک » التفاتی
و ذات شریف الصفتانک قرآن مجیدده صاحب اسم شریفله
اختصاصی و معیت خاصه ایله توصیفی ایله اکرام بیورمشدر .
دنیلمشدر که تصوف ، عبدک واحد ، صمد ، فرد اولان جناب
حق ایله تفریددر .

مشار الیه حضرت ترینک اخلاق کامله و احوال شریفه
فاضله سندن بریده نهم آخرته چابوق قاوشمق ایچون دنیا به میل
ورغبتدن صافتمق اولمش ایدی . دنیلمشدر که تصوف دنیایی
قطعیاً ترک و نالندن کال ثبات ایله اعراض ایتمکدر .

حضرت صدیق ارار محبتده غل و غشیدن خالص و اعطای
حقده نفیصندن بری ایدی . دنیلمشدر که تصوف ، شوق
زحمتی چکمه طاعتی توکتمکدر . مابعدی وار

فوائح اسلامیه

مابعد :

بو اوانده (اسامه بن زید) ده مظفر آعودت ایله مشدی .
جناب خلیفه ، اونک معیتده کی عسکری آلوب (ذوالقصره) و
(ابرق) موقعارینه کیده رک اوراده بولونان مرتدلر ایله حرب
ابتدی و عون الهمی ایله غلبه چالیدی .

(بنی عبس) ک شاعری اولان مشهور (خطیبه) (۱) اسیر

(۱) خطیبه : نم خا ایله طایلاق وید انا وید انبام کیسه به

دینور . دیم معنایه . یاخورد قیسه بویلی بودور کیسه به دینور .
فی الاصل (خطاهه) کلمه سنک مصغیردر که شرطه وغدده معالیه در .

ابدلیکی کی کرک قبیله سی ، کرک (بنو بکر) هزیمت و مغلوبیت خجالتنه اوغراددی .

(بنو ذبیان) ده فراره مجبور ایدیلوب بوردلری اهل اسلامک حیوانانی ایچین مرعی اتخاذا اولوندی . (عبس) و (ذبیان) قبیله لری ، بوزغونلغه اوغراچجه (بزاخه) ده ساکن اولان (طلیحه بن خویلد الاسدی) نك باشنه طویلاندیلر .

حضرت خلیفه (ابرق) ده برآز مکت ایله اون بر سنجاق عقد ایدمرك بهر سنجاق ایچین بر امیر تعیین بیوردی که امرای منصوبه ذوال آتیه ایدی :

خالد بن الولید ، عکرمه بن ابی جهل ، شر جیل بن حسنه ، عمرو بن العاص ، مهاجر بن امیه ، سوید بن مقرن ، طریف بن حاجز ، علاء بن الحضرمی ، حذیفه بن محض ، عرجنه بن مرثمه .
بده معینده مهاجر بن وانصاردن بوز کیشی اولدینی ولوای اسلامی خالد بن ولید حامل بولندینی حالده (ذوالقعه) موقعنه کلدی . اورادن (اسلم) (غفار) (اشجع) (مزینه) (جهینه) قبیلتنه خبر لر کوندروب افرادینی جهاد فی سبیل الله دعوت ایتدی مجاهدلر ، کلوب طویلاندیجه بالنفس حربه کینمک امانده بولوندی . لکن عمر بن الخطاب و علی بن ابی طالب رضی الله عنهما حضراتی وکا مانع اولدیلر . حضرت فاروق :

— یا خلیفه رسول الله ! عزه مکن صرف نظر ایت . معاذه سن شهید اولورسک بوتون مسلمانلر ارتداد ایدمركلر ، باطل حق غلبه چالار . دیدی جناب مرتضی ده خلیفه نك بیدیکي راحله نك یولارینه صاریلوب :

— یا خلیفه رسول الله ! زمه کیدیورسک ؟ سکا رسول الله افندیزک بوم احده بوبوردینی کی (قلیجیکی قیننه صوق ، غیوبستکله بزی آجیقلی اتمه) دیرم . مدینه به دون . الله حق ایچین سن غائب اولورسک اسلامک نظام وانتظام قالماز . اصرارنده بولونده خلیفه حضرتلری بوقدر ارامه دایانامادی . نصب ایتدیکي امرای لازم کان برلره صوق ایله دکن صوکرار دارالخلافه دوندی .

(خالد بن الولیدک طلیحه بن خویلد الاسدی ایله محاربه ایتمک ایچین بزاخه عربیتی) طلیحه الاسدی ، عرب کاهنارندن اولوب حیات پیغمبریده اسلامه کلشکن ارتحال نبویدن اول ادعای نبوته قالدیشمش وجیریل ، یاخود (ذوالنون) اسمنده بر ملک واسطه - یله بکا وحی کلپور ا دیمه به وه الحمام والجمام ومصر

بدلتا وید منظره اطلاق معنای ثانی اعتبارله بو دوره اطلاق معنای اوله کوره در . زیرا شرطه کی یره یقین اولور .

شرر شمرا اولان (جرول بن اوس المبسی) به لقب وضع اولمشدر وقت - ایدمه اسلامه کلوب صکره مرند اولمشدر . اسیر اولدنده به اسلامه کلشدر ابون و برادر وزوجه سی وکندی نفسی هجو ایتشدر . قاموس ترجمه سی

والصوام قدخن قبلکم بأعوام لیبلغن ملکنا العراق والشام « طرزنده بر طاقیم مسجع صاحبالر سوبله مه به باشلامشدی .

(أسد) . (غطفان) و (هوازن) قبیله لرندن بر چوق بدلانی باشنه طویلادی و بوزوکزی طوراغه بولامق ، قیچیکزی هوایه قالدیرمق صورتیه ایتدیکلر عبادتی الله نه یاپسین ۱۹ دیه رک امتنی ا نمازده سجده به وارمقدن منع ایتدی . (بنی فزاره) دن اولوب اولجه اسلامه کلش بولونان (عیینه بن حصن الفزاری) ده یدبوز کیشی ایله کیدوب کندبسته التحاق واتباع ایتدی .

تشیکنه مأمور قیلینان خالد بن الولید حضرتلری . مهاجر بن وانصاردن مرکب بر قوت ایله یوروپوب (طی قبیله سندن بیک کیشی ومشهور) حاتم طائی) مک اوغلی (عدی بن حاتم) ی آلدقن صوکرار بزاخه به توجه ایتدی . (عکا شة بن محسن) ایله (ثابت بن أرقم الانصاری) بی کشافلق وظیفه سیله ایلری کوندردی .

عکاشه ایله ثابت ، یولده طلیحه نك قارده شی (حبال) . راست کلوب اسیر ایتدیلر . فقط حبالک :

— بوغنی اورکده بنی محمدیلرکز کورمه سین دیمسی اوزرینه قفاسنی کسدیلر .

قارده شک قتلنی خبر آلان طلیحه ، دیگر برادريله قارشی جیقوب عکاشه نی کندبسی ، ثانی ده قارده شی شهید ایتدی و قناکه ایکی طرف قارش- یلاشدی . خالد بن الولید حضرتلری ، اهل اسلامی حربه تحریض ایدمرك هجوم امری ویردی . مرندلرده . مقابلده بولونجه قیلچار چارپشما به ، صفلر قارپشما به باشلادی . جناب سردار ، ایکی آنده بر قیلچ اولدینی حالده دشمن اورتاسنه آیلوب قیلچلری قیریا.جهیه قدر حربه دوام ایتدی . اهل ارتداد ، بوقدر شدتلی صولته قارشی طورامایوب بوزولدی . طلیحه . قوونی تشجیع ایچین :

— ویدکم ا نه اولیورسککز که بوزولوب قاجیورسککز ؟ دیپوردی . امتندن ا بری :

— سینی اکلاتایم : بز ، کندیمزدن اول ارقداش لر مکز اولمسی بکلپورز . اولرسه رفیقدرندن مقدم اولمه به غیرت ایدیور . جوانی وبردی .

طلیحه بوجواب اوزرینه ایشک فنا لاشدینی ا کلا یجه آنه صیچراددی ، قاریسی ده ترکیده آلدینی کی شام یولنی طوندی . مرندلر ، پیغمبر لر بیک قاجدینی کورنجه امان دیمکدن واسلامه دونمکدن باشقه چاره قالمادینی اوکرنیدیلر .

(بنی اسد) ارتدادی شو صورتله باصدیرلدی . اسیر اولان (عیینه بن حصن (۱) ایله (قره بن هبیره القشیری) مدینه به (۱) عیینه ، محاربه شک قیزیشدینی ائاده طلیحه نك یانه کیدوب

كوندريلدى . بونلر ، حرکت واقمەلرینە ندامتە حضور خلیفەدە
تجدید ایمان ابتدیلر .

طلیحەبە کانجە : قاریسیلە شام طرفارینە کیدوب ارتحال
خلیفەبە قدر (بنی غسان) ایچندە اوطوردی . بئەدە اسلامە
عودت وعمر الفاروق حضرتلرینک حضورینە کلوب تجددیعت
ابتدی . جناب عمر ، اوکا خطاباً :

— سن ، عکاشە ایله نایک قاتلیک سکا ایداً محبت ایدەمەم .
بووردی . طلیحەدە :

— یا امیرالمؤمن ! نه ایچین مکدر اولیورسک ؟ الله اونلرە
بنم الله شهادت نصیب ابتدی . جوابی وردی .

سوکرالری دە ایران فتوحاتندە ، بالخاصە ۱۸ نجی سنە
هجریەدەکی (نهانند وقمەسی) ندە مائر مشکورەسی کورولدی .

مابعدی وار
طاهر المولوی

خیر الکلام

— ولکن او کوریلان فساد هپ انسانلرە عائددر) مألندە اولان
ان الجددین فی طول اختلافهما لا یفسدان ولکن یفسدان الناس
بیت حکیمانەسی انشاد ایلشدر اشته بو حکمتە مبنی دیگر بر مرد
عارف (بز زمانغزی ذم ایدیورز حالبوکه قصور زدهدر اگر
زمان لسانە کلسه بزى هجو ایدردی) معنائی افادە ایدن

نذم زماننا والمیب فینا ولو نطق الزمان اذھاننا
نشیدە حکیمەسی سولشدر

تفصیلات مبسوطەدن شواجمال حاصل اولیورکه : دنیادن
مال غنیمت اغتنام ایدرکی اغتنام ابدوب محبتی درونە القا ایلما
وذره قدر اکا اعتماد ایلوب زهار جناب وهاب رزاقی اونوتما
دنیاک نمقدر اعتمادە لابق اولدینقی واغنیانک ارباب قناعتدن زیاده
دوچار مهالک اولدینقی دائماً مشاهدە ایلشکده بز

اشته بونلردن عبرت آلهلم غافل بولنوبدە بز غیره عبرت
اولیهلم فنای دنیا حقندە شاعرک (موجوداتی بر کره نظر عبرتە آل
دنیاى دینیى خیال کبی کورورسک دنیاک حاوی اولدینقی کافه
اشیا فانی اولور انحق ذات پاک ذوالجلال باقیدر) مفهومندە اولان

— بانسە کا ابوالفضلک (خالدک) عسکری نلر باپیور . سنک
(ذوالنون) کلوبدە وحی کتیرمیوری ؟ دیه سورمش اوده :
— اوت کلدی و ان لاک یوماً ستلقا لیس لاک اوله ولکن آخره
ورعا کره وحیداً لاتساءه آتینی ! که نیردی . جوابی ورنجە ،
عیبە :

— والله یابنی فزاره ! هذا کذاب . دیهرک مبنیله مقاتلەدن
چکلمشدی .

تأمل فی الوجود بین فکر
ومن فیها جمیعاً سوف یفنی
قطبەسی نه قدر بلیغدر

امیرالمؤمن (کرم وجهه) افندیمر حضرتلری عمر انسانی
شوبولده تقسیم بیورمشارددر

اذا عاين الفنى سنين عاماً
ونصف النصف يذهب ليس يدرى
ونصف النصف آمال وحرص
وباقى العمر اسقام وشيب

فناى دنیا حقندە اولان آیات کریمە ایسه پک چوقدر (وما
الحیوة الدنیا الا متاع الفرور) یا ایها الناس ان وعد الله حق فلا
تعزىکم الحیوة الدنیا ولا یعزىکم بالله الفرور (قل متاع الدنیا قلیل)
آیات کریمەسی فناى دنیا به و دکر سزلکنه دلائل قطعیه دندر .

مشهوردرکه اطول عمره نائل اولان نوح علیه السلامه (دنیایی
نصل بولدک) دیمشدر (ایکی قیولی بر خانه کبی . که برندن
کیدرم برندن چیقدم) دیمش ابو حازم سؤفیدە بیوریورکه :
ارباب دنیا ایله بنم آرمده بر کون وار چونکه دونکی کونک
اوده لذتی اونوندی . بنده مشقتی . یاربینه ایسه نه او امنیت
ایدە ییلیر ، نه بن . بو کره کانجە : نه اوله جفنی کیم ییلیر .
اکا بردن بری ده (انسانک انقاس حیاتیک ایدیلریدرکه هر
آندە حیاندن تبعاد . اجله تقرب ایلشکدهدر) دیمشدر .

بر شخصک دیگر برکیمسیه (هیچ بر بلا به گرفتار اولدینقی
الله بکا کوسترمسون) دیه دعا ایدیلرکی بر حکیم ایشیدینجە (سن
او آدمک وفاتنه دعا ایلدک . زیرا بو دنیا دار ابتلادر یا شادینقی
سورندە البته بلاییه مبتلا اوله جقدر) دیمشدر .
الندە علاج باردانقی اولان بر خستیه (نه حالده سک)

دیه صورمشدر [۲]
اصبحت فی دار بلیات ادفع افات باقات [۳] یثله جوات و برمشدر .
امام شافعی (رضی الله عنه) افندیمرک :

محن الزمان کثیره لانتقنی وسرور هاباً نیک کلا هب [۴]
بیت شریفی ده حیات دنیانک بر تعریف بلیقاهدر دنیاى
مابعدی وار

[۱] انسان البشر سنه یا شاسه یاربینی کبجهر محوایدر یاربینک
یاربینی ده غفلتدن نائی صاغی مولندن فرق ایتمه رک بکر یاربینک یاربی
ده بر طاقم املر ، حرص و کسب و کار واشتغال اولاد و عیال ایله بکر
باقی عمری وارایسه اوده خسته لقه ، احتیاج لقه و ارتحال و انتقال قورقوسیه سرور
ایدز ارتق حال بویه ایکن انسانک طول عمره هوس ایتمی جهلدر
زیرا عمرک تقسیم بو مثال و منوال اوزرهدر

[۲] یا خود کندی وفاتی ایسته مشدر زیرا دوستنک بو عالمده
متالم اولدینقی کورمامک طرفیندن برینک اندامنه وابستهدر

[۳] بردار بلا داه وقت کچیریورمهک بلا بی بلا یله دفعه چایشمه مدهیم
[۴] دنیاک محبتلری چوقدر یتمیز توکنمز سروری ایسه
سکا بیرلم کبی سنده ایکی دفعه کایر